

# КАНОН МОЛЕБНЫЙ

глас 8

## Пресвятей Богородице,

поемый во всякой скорби<sup>[1]</sup>

### Песнь 1

**Ирмос:** Вóду прошéd, я́ко сýшу, и егíпетскаго зла избежáв, израильтянин вопия́ше: **Избáвителью и Бóгу нáшему по́йм.**

Безчísленными ураня́еми есмý несчáстиями, зéльными печáльми, в них ослабева́ем, но ужé Ты сих, Богомáти, на Тя упова́ющая исхитí.

Безмéрно волнénия ны́не лю́тыя сéрдца всех нас наполня́ют, но Ты пристáнище даждь, Дéво, íже Тобóю предстáтельством непобедíмым богатéющим.

Слава: Вжиля́ющи<sup>[2]</sup> и сéрдце, и помышлénия нáша, беспо́лезных и недостóйных раб Твои́х, укрепí, Девíце, Твоими предстáтельствами тяжкия удо́бно отрази́ти.

И ны́не: Спасáющи вся земнорóдныя, и тяжких зол прíсно избавля́ющи, спасí ны́не моле́бники Твоя́ от вре́да обдержáщаго ны, Богоневéсто.

### Песнь 3

**Ирмос:** Небéснаго крýга Верхотворче Гóсподи, и Цéркве Зиждítелю, Ты менé утверди́ в лю́бви Твоéй, желáний кра́ю, вéрных утверждéние, еди́не Человеколю́бче.

Бúря отча́яния ны́не на нас воздохну́ла естъ: Влады́чице, утешéние мíра, сию ути́ши, всех нас к рáдости пристáнищу приводя́щи, окормля́ющи благодáтию Твоегó заступлénия.

Зло́бы дéмонов я́ко мно́го стра́ждем, отси́ду и жизнь всю печáльнейшую провóдим, Ты же помози́, Божéственныя Рáдости вина́, печáлящая скорéйше развева́ющи.

Слава: Мáтерними молéньми волнénие злых, рабý Твоими овладева́ющее, укроти́, Всенепорóчная, лука́выя вéтры усыпля́ющи и протíвную бúрю далéче уводя́щи.

И ны́не: Твоемý Сýну указу́ющи, благосклóнному Гóсподу, свобождénие всякаго вре́да Твои́м моле́бником пода́й еди́ным мановénием, гóрести изгна́ти, крéпость я́ко иму́щи Богородítельнице.

### Песнь 4

**Ирмос:** Услы́шах, Гóсподи, смотре́ния Твоегó та́инство, разуме́х дела́ Твоя́ и просла́вих Твоé Божество́.

Злых ны́не свирепе́ющая во́лны ско́рби Ты ути́ши, тíхое рáдости пристáнище заче́нши, Мáти Дéво.

Мучéний свободí, склонíвшись гóрестным мольба́м, всякую тя́гость насущную, Непорóчная, áбие подьёмлющи.

Слава: Гóрестными обстоя́нии изнемога́ем, конéчне бédствующии, но сих тя́жесть легкó, Дéво, претвори́.

И ны́не: Печáль уврачу́й, ны, ра́бы Твоя́, ны́не держа́щую, Я́же болéзни ма́терския в Рождестве́ Твоём избежáвши, Богоневéстная.

### Песнь 5

**Ирмос:** Просвети нас повелении Твоими, Господи, и мѣщцею Твоею высокою Твой мир подаждь нам, Человеколюбче.

Мрак разсей отчаяния конечнейшаго, светом Твоим просвещаящи души иже Ти усердно прибегающих, Всенепорочная.

Укрепи крепко сердца чтущих Тя, во еже мучений находящими удары неураненным пребыти, покровенным Божией благодатию.

Слава: Змия изворотливаго, молебником Твоим вред причиняющаго и коварствия уготовляющаго, всяким образом погубив, умертви.

И ныне: Всякаго врага, враждебно належащаго нам, рабом Твоим, Всенепорочная, Божественною Твоею мѣщию растоптав, уничтожи.

## Песнь 6

**Ирмос:** Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Налегли суть, крепции налегли Твоим рабом, Богомати Дево: иже враждебно нам имущии природою, воюющими и гнетущии безмерно: Ты же, надеждо крепкая, превознесенную гордыню сих смири.

Язвы, яко подобни суть яве, неисцельныя нам сохраняются, сего ради и ныне неизлечимо для врачевства болящим потоцы нападают, хлещущии болезненно, но сих, Чистая, Ты избави.

Слава: Жизни наслаждениям работающе, всякое воздержание отвергающе, сущим праведнейшим судом Божиим настоящим печальным осуждени есмь, но бездну зол наших безмерность благодати да победит.

И ныне: Излил есть на ны Господь гнев Свой Божественным повелением, яко бо и гнева стяжавших детей ярость гнева Его прияла есть, пищу злых творя, но Сего нам Ты умилостиви.

## Песнь 7

**Ирмос:** От Иудеи дошедше отроцы, в Вавилоне иногда, верою Троицескою пламень пещный попраша, поюще: отцев Боже, благословен еси.

Твоими молении, Богородице, Твоего Сына упроси жалобу прияти у молебников падающих, но тепло вопиющих и верою зовущих: отцев наших Боже, благословен еси.

Божественныя ныне милости Тобою улучшить ожидающих, Всенепорочная, молебныя гласы приводим болезненно, моления умножаяще и к Твоему образу честному, яко бы живому, обращающиеся.

Слава: Сокровище Тя видяще неистощаемое отнюдь и нерасточаемое, прибегаем почерпсти безмерная благодеяния, богатство неотъемлемое, да не лишши ны надежд сих ныне.

И ныне: Ума малодушие вся ны обременило есть, Всенепорочная, приведшее к мукам, слезам и болезням, но Сама ныне отыми, вопити: отцев Боже, благословен еси.

## Песнь 8

**Ирмос:** Царя Небеснаго, Егже поют вси ангельстии, хвалите и превозносите во вся веки.

Унынія сердец кто укрепит, удобно разрешаючи, Дѣво, аще не еди́но воистинну Божественное Твое предста́тельство?

Го́ркия печа́ли Твои́х моле́бников кто ны́не укро́тит, аще не Ты Еди́на, Богороди́тельница, Врача́ душ ро́ждшая?

Слава: Болѣзнейшия на́ши ду́ши да уврачу́еши и искуше́ний мрак да изгони́ши, Непоро́чная, луча́ми честна́го Твоего́ заступле́ния.

И ны́не: Обстоя́ния, тру́дности да преложи́ши в ра́дость, Ра́дость ро́ждшая, Влады́чице ми́ра, ве́рных предста́тельство.

## Песнь 9

**Ирмос:** Воистинну Богороди́цу Тя испове́дуем, спасе́ннии Тобо́ю, Дѣво Чистая, с безплотными ли́ки Тя велича́юще.

Плоти́ю ро́ждшая Го́спода всяческих, свобо́ду от злых да́руй нам, иже к Нему́ благоприятными Божественными проше́ниями.

Сжа́лися, Дѣво, Твои́м моле́бником жа́лостным, и всего́ тяжкаго свободи́, насущныя нападе́ния отряса́ющи.

Слава: Ра́дости и весе́лия исполни Тво́я рабы́, всеце́ло Ти прибега́ющих, Непоро́чная, печа́ли сердец вытесня́ющи.

И ны́не: Бо́га, благоде́теля всех и Спа́са, ма́терними Твои́ми молѣ́нии упроси́ избѣгнути опа́сностей, Чистая, всем рабо́м Твои́м.

---

<sup>[1]</sup> Творение преподобнаго Феодора, игумена Студийскаго.

<sup>[2]</sup> Укрепляя.